



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

§. I. De Rescriptis conditionatis.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

VI. Extra Diocesim ultrâ duas Diætas Reum trahens meminisse debet Constitutionis id prohibentis. C. 26. Eod. Tit.

VII. In Rescripto ad Beneficium, exprimendum illud, quod Impetrans jam possidet. C. 26. 27. 42. Eod. Tit.

VIII. In Rescripto Beneficii Restitutorio exprimenda est causa, ob quam Impetrans amotus fuit. C. 26. Eod. Tit.

IX. In Rescripto ad Beneficium obtinendum, Impetrans meminisse debet Primi, vi cuius Beneficium vel Pensionem obtinuit. C. 31. Eod. Tit.

X. Irregularis sua irregularitatis meminisse debet in Rescripto, quo Beneficium impetrat. C. 2. de Fil. Presb.

XI. In Rescripto, quo quis à Beneficio amoveri præcipitur ob impedimentum Canonicum, à quo dispensatus fuerat, habenda est mentio Dispensationis ante sibi concessæ. C. 9. Eod. Tit.

XII. In Rescripto, ad Beneficium obtinendum, Impetrans exprimere debet, se Clericum esse. C. 16. de Transt.

XIII. In Rescripto, cuius impetrationi obest Excommunicatio, de istâ mentio facienda est; secùs, si non obist. C. ult. de Except.

XIV. Cum vi Primi Rescripti processum est, ac res, de quâ agitur, tangit Privilegia à Sede Apostolicâ concessa, Secundum Rescriptum circâ eamdem rem impetratum de utroque hoc punto meminisse oportet. C. 30. de Sent. & Re Jud.

XV. Contrarium Statuto jurato & à Papâ confirmato Rescriptum de illo mentionem facere debet. C. 19. de Rescript.

XVI. In Rescripto, quo Petro Prioratus seu Temporalis Administratio confirmatur, exprimendum, Petrum esse Regularem. C. 5. 6. de Confirm. util. &c.

XVII. Rescriptum à Censurâ absolvens facti seriem, propter quod illa lata est, continere debet. C. 5. de Cobab. Cler.

XVIII. Quando Rescriptum Concilio Generali adversatur, illius meminisse debet. C. 3. de Capell. Monach. Exceptio habetur. C. 1. de Const. in IV.

REGULA X.

Expressionis defectus suppletur per Clausulam faciendæ expressioni respondentem.

C. 21. de Preb. in IV.

REGULA XI.

Clausula *motu proprio* eundem defectum supplet, nisi agatur de damno tertii.

C. 23. de Preb. in VI.

SECTIO V.

DE ANNULANDIS RESCRIPTIIS.

REGULA.

Non alia in Canone leguntur circâ Rescripta annullanda, quam ista.

Quidquid fit ex Rescripto irritando quale est subscriptum, quoad Lites irritandum est. C. 22. de Rescript. C. 5. de Vicario.

SECTIO VI.

DE RESCRIPTIIS, QUORUM DUBIUS EST VALOR.

REGULA.

In dubio, an Posterioris Rescriptum Prius revolet, utriusque Judices simul cognoscere debent, si alii aliis deferre noluerint; quod si concordare nequierint; Arbitri à Partibus electi concertationem sospire debent.

C. 14. de Rescript.

SECTIO VII.

DE RESCRIPTORUM, QIBUS INEST AMBIGUITAS, INTERPRETATIONE.

REGULA.

Non alia leguntur in Canone circâ Rescriptorum ambiguorum interpretationem, quam ista.

I. Rescripta ambigua ex Resribentis intentione interpretanda sunt. C. 41. de Appell.

II. Quando obtinetur Rescriptum contrâ Petrum & Quosdam alios, hæc Clausula, *Quidam alii*, non extenditur ad Plures, quam ad Quatuor, quorum Nomina in primâ Citatione sunt exprimenda, ne varietati detur locus. C. 2. de Rescript. in VI.

III. Si plures in eodem negotio committantur cum hæc Clausula, si non omnes simul potuerint, quæ poterant procedere, hoc de impotentia tam facti, quam Juris, intelligendum est. C. 13. de Rescript.

IV. Si vero aliquis interesse noluerit, alii procedere non posunt, nisi prædictæ Clausula additum fuerit, aut noluerint. ibid.

V. Rescriptum ex Jure Communi est interpretandum quod ea, in quibus ipsi expressè non derogat. C. 18. Eod. Tit.

VI. Clausula, si ita est, ad omnia, quæ præcedunt, extenditur. C. 25. Eod. Tit.

VII. Clausula, si idoneus, non imponit onus pro-

bandi se idoneum, Rescriptum accipienti. C. ult. De Præsumpt.

VIII. In Rescripto, quo in aliquâ Ecclesiâ de Beneficio aliquis provideri jubetur, nomine Beneficii simplex Beneficium, non illius Ecclesiæ Rectoria seu dignitas intelligitur. C. ult. De Præb.

IX. Rescriptum Gratiam ambitiosam concedens stricte est interpretandum: Talis autem censemur, quæ Prælato permittitur, ut Beneficia, quæ tempore Promotionis habet, retineat. C. 5. de Rescript. in VI.

X. Quando pluribus articulis connexis in una Commissione positis, in uno tantum contingit, Appellationem expressè vetari, ea quoque circâ alios censemur interdicta, quocunque Rescripti loco Clausula inseratur; C. 41. de Appell. Sed, si de pluribus negotiis, quæ se minimè contingunt, in Rescripto agatur, ad illud negotium refringenda est Clausula, quod præmissum est. C. 71. Eod. Tit.

XI. Præcedentia per Subsequentia, & è contrâ, sunt explicanda, cujus ratio est, quia Rescripti principium sàpè refertur ad medium & ad finem; medium verò ad principium & ad finem. C. 41. cit.

XII. In re grata Abbates sub Monachis comprehenduntur. C. 46. de Sim.

SECTIO VIII.

DE ALIIS RESCRIPTORUM DIVISIONIBUS.

Quæ de Rescriptis dicenda supersunt, paucis Titulis comprehendimus; quia, quæ Rescripta conditio-
nata & disjunctiva respiciunt, uno verbo expedientur: quæ verò Rescripta tûm Gratiae tûm Justitiae spectant tribus Regulis finiuntur: postrem, quæ ad Relcriptorum executionem pertinent, pluribus quidem Regulis, sed brevissimis & facillimis continentur. Eadem de causa possemus etiam nullâ adhibitâ subdivisione, singula hæc explicare, verum, ne illa sit hoc in Tractatu confusionis umbra; Sectionem hanc Octavam in Sex §§. pro rerum tractandarum numero subdividemus;

§. I.

De Rescriptis Conditionatis.

REGULA.

Rescriptum conditionatum non valet, nisi adimplatur conditio.

C. 13. de Rescript. in VI. Clem. unic. de Concess. Preb.

REGULA

REGULA II.

Hinc si Quis sub futura conditione Beneficium impetrat, alius verò purè ante conditionis hujus eventum, posterior priori præfertur.

C. 13. De Rescript. in VI.

§. II.

De Rescriptis Disjunctivis.

REGULA A.

In Rescripto Disjunctivo (*quale, quo præcipitur aliquid fieri, si hoc, vel illud ita se habeat*) sufficit, quod una pars sit vera.

C. 4. De Rescriptis.

§. III.

De Rescriptis Obreptitiis, Subreptitiisve.

Notandum, per Rescriptum Obreptitium intelligi, illud, in quo tacetur veritas exprimenda; per Subreptitium verò, intelligi illud, in quo suggiritur falsitas: Notandum iterum, Rescriptum Obreptitium dici posse Subreptitium, quia surripitur Concedenti, qui si sciret quod tacetur, Rescriptum denegaret. His notatis haec traduntur Regulae.

REGULA I.

Fundamentum notatae distinctionis inter Rescripta Obreptitia, Subreptitiave in Canone reperitur: ipsa verò distinctione nequaquam, immo contrarium quid in eo habetur.

I. Pars patet ex C. 20. De Rescript. & ex. C. 7. De Fide Instrum.

II. Credenda, donec citetur aliquis Canon, in quo talis distinctione exprimatur.

III. Pars est in Cap. 22. de Rescript. & in C. 21. 23. de Præb. C. 41. de Excom. Vocant Surreptitia Rescripta, in quibus veritas exprimenda tacetur.

REGULA II.

Obreptio vel Surreptio non eundem habent effectum, in quovis Rescripto.

Infurit ex C. 8. & 22. de Rescript. quæ docent, Rescriptum Justitiae Obreptione, vel Surreptione fieri annulationi obnoxium: Rescriptum verò Gratia, eadem Obreptione, vel Surreptione fieri nullum.

REGULA III.

Triplex est Clausula, quæ impedit, ne Obreptio, Subreptio noceat, Motu proprio, Nobstante, Ex certa scientia.

De Primâ fit mentio in C. 23. de Præb. in VI. de secundâ in C. 21. ibid.

§. IV.

De Rescriptis proprio Motu datis.

REGULA I.

Ut sunt Rescripta, quæ ad Impetrantium petitionem vel aliorum dantur, ita sunt, quæ ex merâ Concedentis benignitate procedunt & Rescripta de Motu proprio dicuntur.

C. 23. de Præb. in VI.

REGULA II.

Nullum Rescriptum proprio Motu datum reputandum est, nisi id in eo exprimatur. ibid.

REGULA III.

Clausulae, proprio Motu, non alia vis, quam ut impedit, ne Rescriptum Obreptitium Surrep-

Tom. I.

titum censetur, & ut denotet Papam immediatam jurisdictionem prætendere in eos, quibus illa diriguntur.

Id operatur citata Clausula, aliud autem operari ex nullo juris Textu colligere fas est.

§. V.

De Rescriptorum stylo.

REGULA A.

Non alia in Canone habentur ad Rescriptorum stylum pertinentia, quam ista.

I. Episcopi, Archiepiscopi, aliisque Superiores vocantur à Papa Fratres; non Filii: ceteri verò vocantur Filii.

II. Papa scribens singulis Personis plurali locutione non utitur.

§. V I.

Comprehendens ceteras Rescriptorum Divisiones.

REGULA I.

Rescripta alia sunt Excitoria, alia Restitutoria, alia Attributoria.

Excitoria sunt, quibus Ordinarius ad ea facienda excitat, quæ ex Officio facere potest & debet: Restitutoria sunt, quibus Ordinario præcipitur, ut quæ alias poterat, ut Ordinarius, nunc tamquam Sedis Apostolice Delegatus faciat; Attributoria sunt, quibus Ordinario, quæ ut Ordinarius non potest, nec alias potuit, committuntur.

REGULA II.

Primi & Secundi generis Rescripta à Rescriptis Tertiis generis in eo differunt, quod quæ vi illorum fiunt, autoritate Ordinaria fiant, ideoque in eis Appellatio immediata ad Prælatum proxime Superiorum devolvitur. Que verò in istorum executionem fiunt, autoritate Delegatâ fiant, ideoque ad Committentem Appellatio devolvitur.

Prior Regula Pars expresa habetur in C. 12. de Off. Ord. quoad Rescripta Excitoria: Quoad alia verò, ex pluribus Concilii Tridentini locis prefata autoritas Delegata colligitur, cum doceant Ordinarii, post factam ab eodem Concilio restitutionem, tamquam Delegatum agere debere in iis, quæ alias ut Ordinarius faciebat. Infurit etiam ex Eod. Cap. 12. restitutione enim, quæ aliena erat jurisdictione ejus propria fit, cui restituitur. Hoc fusiū explicatur in Tractatu de Jurisdictione Ecclesiastica in II. Tomo, inserendo.

SECTIO IX.

De iis, quæ RESCRIPTIS JUSTITIAE sunt peculiariae.

REGULA I.

Quidquid ratione Materiæ convenit Rescripto Justitiae, id sibi peculiare habet. Hinc quæcumque huic Rescripto convenient ex eo, quod Forum Contentiosum respiciat, sibi peculiaria sunt.

REGULA II.

Non alia habentur in Canone Rescriptis Justitiae peculiaria, quam ista.

I. Non diriguntur nisi Dignitatem vel Personatum Habentibus aut Canonicos Ecclesiae Cathedralis, nec executioni mandantur nisi in Civitatibus vel Locis Insignibus. C. 11. de Rescript. in VI.

II. Si quis Duplici Rescripto delegetur ad eamdem Causam, Generali, quo Causa non exprimitur, sed tali modo